

VENDIM
Nr.19, datë 12.4.2017

PËR SHPËRNDARJEN E FINANCIMIT PËR FOND PËR PËRGATITJE PROJEKTESH (PROJEKTIM), THIRRJA I PËR VITIN 2017, TË GRANTIT “INFRASTRUKTURA VENDORE DHE RAJONALE”, PROGRAMI I ZHVILLIMIT TË INFRASTRUKTURËS VENDORE DHE RAJONALE, SHTYLLA I

Në mbështetje të nenit 100 të Kushtetutës, të nenit 16 dhe të aneksit 3, të ligjit nr.130 datë 15.12.2016, “Për buxhetin e vitit 2017”, me propozimin e ministrit të Zhvillimit Urban, Komiteti për Zhvillimin e Rajoneve

VENDOSI:

1. Shpërndarjen e financimit për fond për përgatitje projektesh (projektim), thirrja I për vitin 2017, për grantin “Infrastruktura vendore dhe rajonale”, Programi i Zhvillimit të Infrastrukturës Vendore dhe Rajonale, me burim financimi buxhetin e projekteve të reja për vitin 2017, nga programi buxhetor “Infrastruktura Vendore dhe Rajonale” pranë Ministrisë së Zhvillimit Urban, sipas tabelës nr. 1, bashkëlidhur këtij vendimi.

2. Të gjitha autoritetet kontraktuese, propozimet e të cilave miratohen për financim sipas pikës 1 të këtij vendimi, brenda një jave nga data e publikimit të tij në “Fletoren zyrtare”, duhet të paraqesin në sekretariatit teknik, pranë Ministrisë së Zhvillimit Urban, kalendarin me të gjitha afatet e parashikuara për fazat e prokurimit publik, si edhe të përdorimit të fondeve dhe emrin e personit përgjegjës për informimin periodik.

3. Autoritetet kontraktuese, sipas tabelës nr.1, të këtij vendimi, duhet të paraqesin në sekretariatit teknik, pranë Ministrisë së Zhvillimit Urban, dokumentacionin ku të jenë specifikuar lista e projekteve që do të hartohen dhe detyra e projektimit për secilin projekt, të dyja këto të jenë miratuar në bordin përkatës, si edhe marrëveshjen e bashkëpunimit me bashkitë në territorin e të cilave shtrihet projekti dhe/ose me partnerë të tjerë bashkëfinancues të mundshëm për zbatimin e projektit, përpara fillimit të procedurës së prokurimit.

4. Autoritetet kontraktuese për projektet, sipas pikës 2 të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e kontratës, në fillim të tremujorit të tretë, të vitit 2017. Për fondet e propozimeve për përgatitje projektesh të paprokuruara sipas këtij afati, Komiteti për Zhvillimin e Rajoneve ka të drejtë të rishqyrtojë financimin dhe t'i rishpërndajë ato, për një projekt tjetër.

5. Ngarkohet sekretariati teknik, pranë Ministrisë së Zhvillimit Urban, të kryejë monitorimin e ecurisë së përdorimit të fondeve, sipas kalendarit të paraqitur nga autoritetet kontraktuese, në përputhje me pikën 2 të këtij vendimi dhe të informojë Ministrinë e Financave dhe periodikisht Komitetin për Zhvillimin e Rajoneve, përmes Sekretariatit të Përgjithshëm të Komitetit për Zhvillimin e Rajoneve.

6. Ngarkohen ministri i Financave dhe ministri i Zhvillimit Urban, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDESKRYETARI
Niko Peleshi

Zëvendëskryeministri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit, Tregtisë dhe Sipërmarrjes	anëtar
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Bujqësisë, Zhvillimit Rural dhe Administrimit të Ujërave	anëtar;
Ministri i Shëndetësisë	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës së Bashkive të Shqipërisë / Përfaqësuesi i Bordit të Agjencisë për Zhvillim Rajonal nr.1	anëtar;
Kryetari i Shoqatës për Autonomi Vendore / Përfaqësuesi i Bordit të Agjencisë për Zhvillim Rajonal nr.2	anëtar;
Përfaqësuesi i Bordit të Agjencisë për Zhvillim Rajonal nr.3	anëtar;
Përfaqësuesi i Bordit të Agjencisë për Zhvillim Rajonal nr.4	anëtar.

Tabela 1 Lista e propozimeve për përgatitje projektsh të reja, thirrja II për vitin 2017, për grantin “Infrastruktura vendore dhe rajonale”, programi i Zhvillimit të Infrastrukturës Vendore dhe Rajonale, me cikël zbatimi 2017.

Nr.	Emërtimi	Vlera e fondit për përgatitje projektsh (në lekë)	Vlera e financimit për vitin 2017 (në lekë)
AZHR-1			
1	Zhvillimi i ballinave ujore: “Porti turistik i Liqenit të Shkodrës dhe limanet përgjate vijës liqenore”, Buna Marina në Pulaj - Velipojë	6,576,000	6,576,000
2	Projektim i rrugës panoramike në bregun lindor të liqenit Shkodër, me qëllim promovimin e itinerareve këmbësore dhe çiklistike, si dhe ndërthurja e rrugës respektive me itineraret ndërkombëtare ekzistuese	15,654,435	15,654,435
3	Përmirësimi i infrastrukturës ndërlidhëse ndërmjet qarkut Shkodër dhe qarkut Lezhë, nëpërmjet rikonstruksionit të aksit rrugor “Ura Gjo Lulit – Torovicë – Balldren”	15,360,640	15,360,640
4	Tregu Rajonal Milot, (Bashkia Kurbin)	3,852,000	3,852,000
5	Projekt ide përfundimtare për krijimin e terminaleve inter-modale në qendrat urbane kryesore lidhëse, si dhe stacionet e tjera mbështetëse në zonën e zhvillimit rajonal 1	5,193,255	5,193,255
6	Projektim i terminalit të Autobusëve “Bashkia Kukës”	3,363,670	3,363,670
TOTALI		50,000,000	50,000,000
AZHR-2			
7	Krijimi i akseseve të reja dhe përmirësimit të lëvizshmërisë ndërmjet zonave për një kohezion dhe ndërveprim ndërvendor dhe ndërajonal	28,000,000	28,000,000
8	Ndërtimi i shëtitorës për këmbësorë dhe biçikleta përgjatë vijës bregdetare nga Komanda e Forcave Detare (Bashkia Durrës), deri tek përroi Leshniqe (Qeret, Bashkia Kavajë)	5,000,000	5,000,000
9	Rikualifikimi i qendrës urbane të termave, të aksit rrugor që e lidh me qendrën e qytetit si dhe shndërrimin e zonës pyjore pranë termave në tre parqe të ardhur të zonës së Bellovës, Dibër dhe Bilaj, Fushë Krujë	8,000,000	8,000,000
10	Rivitalizimi i parkut rajonal të Bedenit si katalizator i zhvillimit rajonal si dhe përmirësimin e cilësisë së jetesës së komunitetit përreth tij	2,000,000	2,000,000
11	Ripërtëritje e tregut rajonal – Rigjenerim të tregjeve në Maqellarë-Shupenzë-Klos dhe tregu Rrogozhinë me qëllim ripërtëritjen e traditave të promovimit dhe tregtimit të produkteve bujqësore, blegtorale, artizanale dhe produkteve të tyre, në rajon	7,000,000	7,000,000
TOTALI		50,000,000	50,000,000
AZHR-3			
12	Hartim projekti për rivitalizimin e hapësirave publike dhe infrastrukturës në fshatrat e Rajonit 3	40,000,000	40,000,000
13	Hartim projekti për ngritjen dhe funksionimin e tregut të markës në qytetin e Elbasanit	2,470,000	2,470,000
14	Hartim projekti për ngritjen dhe funksionimin e terminalit të autobusave në qytetin e Elbasanit	1,410,000	1,410,000

15	Hartim projekti për përcaktimin e pikave panoramike të rajonit 3	1,410,000	1,410,000
16	Hartim projekti për shtigjet e këmbësorëve dhe biçikletave që lidhin qytetin e Beratit me kodrat përreth kalasë së Goricës	1,810,000	1,810,000
17	Hartim projekti për kanionet e Osumit	2,900,000	2,900,000
TOTALI		50,000,000	50,000,000
AZHR-4			
18	Përmirësimi i infrastrukturës rajonale: “Unaza e Drinos; Krijimi i aksit rrugor kthesa e Libohovës-Suhë-Stegopol-Saraqinishtë”, me një gjatësi rreth 12 km	15,000,000	15,000,000
19	Projektim i rrugës “Finiq-Blerimas”, lidhëse e dy superstradave të reja që po ndërtohen Qafë Botë-Sarandë dhe Sarandë-Kardhiq me një gjatësi rreth 2.8 km, me qëllim promovimin e zhvillimit rajonal turistik, ekonomik e social	5,000,000	5,000,000
20	Projektim i qendrave të fshatrave tradicionale, bregdetare e malore duke përfshirë zonën përgjatë lumit të Vlorës dhe anës detit Jon, me qëllim rivitalizimin e fasadave të banesave tradicionale, kthimin e qendrave në hapësira publike, pedonale me gjelbërim	18,000,000	18,000,000
21	Projektim për përmirësimin e infrastrukturave ndërlidhëse, me qëllim rritjen e aksesueshmërisë në disa nga monumentet e kulturës së kategorisë së parë të qarkut Vlorë, në funksion të turizmit kulturor dhe natyror.	7,500,000	7,500,000
22	Projektim për përmirësimin e shërbimit ndërllokal me autobusë mes Vlorës, Himarës dhe Sarandës për promovimin e turizmit bregdetar dhe kulturor rajonal	4,500,000	4,500,000
TOTALI		50,000,000	50,000,000

Shënim:

1. “Vlera e fondit për përgatitje projektesh” përfaqëson vlerën e financimit për përgatitje projektesh, miratuar me vendim të Komitetit për Zhvillimin e Rajoneve.
2. “Vlera e financimit për vitin 2017” është financimi që jepet për vitin 2017, me burim fondin për projekte të reja të programit buxhetor “Infrastruktura vendore dhe rajonale” të Ministrisë së Zhvillimit Urban, për vitin 2017.
3. Nëse do të kryhen ndryshime në listën e projekteve të mësipërme, nga autoritetet kontraktuese, atëherë ajo duhet të jetë e miratuar nga bordet përkatëse të tyre, si edhe të paraqitet zyrtarisht pranë sekretariatit të Ministrisë së Zhvillimit Urban.

